



## **NTIkuT NIGUAKTILIGIYIT MAKPIGAAT ATUNIAKTAIT NIGUAKTAUNHUAKTUT**

### **HIVULIIT UKAUTAIT**

#### **Huliniaktut hamna makpigaat**

Huliniakatut hamn makpigaat tuhaktinahuaktait niguaktaunhuaktut mikhaanut niguaktiligiyit atugutikhait ovalo titigakhimayut maliktakhait ovalo munagiyakhait niguaktaunahuaktut niguaktunik Atanguyait angayukaat Nunavut Tunngavimi Timinga. (NTI).

Tamamik niguaktaunhuaktut, ikayuktiit ovalo ikayugutait maliklugit iluaniitut NTIkuT Niguaktiligiyit Maliktakhait. NTIkuT Niguaktiligiyit Maliktakhait pikaktut NTIkuT Niguaktiligiyit Maliktakhait ovalo Maligutikhait, NTIkuT Niguaktiligiyit Ikayugutikhait, Akiliktakhait ovalo Tuhaktakhait Maliktakhait, NTIkuT Maliktakhait Niguaktaunahuaktut, NTIkuT Niguaktiligiyit Maliktakhait Havaktiit ovalo NTIkuT Utiktigutait Kuapurisitkut Pihimayait Pikuyait.

Hamna makpigaat naitumik ukakhimayut NTIkuT Niguaktiligiyit Maliktakhait. Kihimi, niguaktaunahuaktut ovalo ikayuktiit naluhuiktakhait NTIkuT Niguaktiligiyit Maliktakhait. Pinahuaktainik Niguaktaunhuaktut nalulaaktait ihuinaalaaktait NTIkuT Niguaktiligiyit Maliktakhait kungiatiangitkumik maligutikhainik. Akigaktuktaupat kitkanit Niguaktiligiyit Maliktakhait ovalo hamna makpigaat, iluaniitut Niguaktiligiyit Maliktakhait atuniaktut.

### **NTIkuT NIGUAKTILIGIYIT MALIKTAKHAIT**

#### **Huliniaktut Niguaktaunahuaktut malingitkumik NTIkuT Niguaktiligiyit Maliktakhait?**

Niguaktinagit, niguaktitlugit ovalo avataanik niguakhimayut, niguaktaunahuaktut ukpigigumik aalat niguaktaunahuaktut ovaluniit ikayuktiit ihuinaaliktait iluaniitut NTIkuT Niguaktiligiyit Maliktakhait, niguaktaunahuaktut apigilaakatut Atanguyait Niguaktiligiyit apigikulugit Niguaktiligiyut Kamisitkut ihivgiukulugit. Atanguyait Niguaktiligiyit takuyayukhat hivulimik, ukaktinagit pivaliyunut. Ihivgiuktaagumik, Niguaktiligiyit Kamisitkut pilaaktut:

- Hulingilutik;
- Angigikaligilugit niguaktaunahuaktut ihuakhaigiagani ihuinaakhimayut;
- Nani niguaktaunahuaktut niguaktaupata, pitkulugit NTIkuT Katimayiinut, niguaktut niguaktaunahuaktumik pilaitut.

Niguaktaunahuaktut munagitjutikaktut havagutainik ikayuktiit, ikpinaktut niguaktaunahuaktut ovalo ikayuktiit munagitjalutik tunikhaitjutainik munagiyakhait ovalo atanguyautikhait ikayuktiinut.

## **ANGMAKTINAGIT ATIKTUITJUTKHAIT**

### **Ilaulaaktunga niguaktinahuaktunut?**

Niguaktaunahuaktut imaitukhat:

- Kanatamiutat;
- 16nik ukiuliit niguaktut ubluanik; ovalo
- Ilaukatauyut ataanik *Nunavut Angigutit* ovaluniit pilaalugit maligutikhait ilaukatauyut.

Tahapkoa Inuit ilaulaitut niguaktaunahuaktunut ilauyut:

- Inuit ihuinaahimayut apikhukvimi ovaluniit itiktauhimayut ihuinaakhimayainik iluanik pingahut ukiuni, naunaiyaklugit niguaktiligiyit Ubluanut;
- Inuit akiliktukaktut NTIkunut ovaluniit Aviktukhimayut Inuit Katutjikatingit (RIA) hanianik \$500.00mik ovaluniit avataanut pingahunik tatkikhiutinik anmagutainik ublua atiktuiyut;
- Atanguyat Niguaktiligiyit;
- Ikayuktiit Atanguyat Niguaktiligiyit;
- Aviktukhimayut Niguaktiligiyit havaktiit;
- Tuklia Niguaktiligiyit havaktiit;
- Niguaktiligiyit Titigaktiit;
- NTIkut Katimayit ovaluniit havaktiit nutkagalangit havakviminit;
- Inuit, Inuinaugalualutik, ilaukataungit ataanik *Nunavut Angigutit* ovaluniit ilaukataulaitut ilaukatauyunut.

Niguaktaunahuaktut nalvaaktaugumik ilaulaitut niguaktaunahuaktunut pilaitut.

### **Havakumatauk NTIkuni ovaluniit aalat Inuit havakviit?**

Niguaktaunahuaklaaktut takuyakhait havakviit niguaktaunahuagumik NTIkut Atanguyainut havaktitlugit RIAkuni ovaluniit Aviktukhimayut Hanatiligiyit Kuapurisitkut. Hapkoa havakviit pitkuhimayut niguaktaunahuaktut nutkagalalutik havakviit ilaukatautitlugit niguaktaunahuaktunut.

Katimayit ovaluniit havaktiit NTIkut niguaktaunahuaktut NTIkut Atanguyaint nutkagalalaaktut ubluanik tuihimayait atiktuitjutait makpigaat ovalo piniaktut ubluanik avataanut niguaktut ubluanit.

### **Kakugu akiliktilaakunga niguaktaunahuaktunut?**

Pilaaktut niguaktaunahuaktut niguaktinagit pingahunik tatkikhiutinik niguaktaunahuaktingit. Ublua nani niguaktaunahuaktut pilaaktut akiliktiliklugit nigugutikhait akiit 2022 niguaktiligiyit Aagasi 8mi, 2022.

### **Hunauyut niguaktautinagit akiit?**

Niguaktautingit akiit naunaiyutait akilihimayut ovaluniit akiliniaktait pihimayut Aagasi 8mi, 2022 ovalo anmagutait atiktuitjutait Aktupa 31mi, 2022 tuhaktiyait niguaktiligiyit kitkut niguaktaunahuaklaaktut niguaktunik ovalo ilauyut ikayuguitkhait ikayugutait ovaluniit niuviktait. Niguaktaunahuaktut pilaaktut iminik kinauyait hanianut \$30,000.00mik niguaktinagit akiit.

## **NIGUAKTAUNAHUAKTUT UBLUIT/ATIKTUITAAGUMIK ANGMAKAT**

### **Kanuk Niguaktaunahualaaktunga?**

Hivulimik piyakhait niguaktauyumayut Inuit uktuktukhat Ihuinaakhimayut Titigagutainik ihivgiuktaulutik Palihihmatkunit ilaa, hamna pilaamat siksini ubluinik. Kilamik atiktuitjutikhat ubluit angmakata, Aktupa 31mi, 2022 niguaktauyumayut tugaaktukhat Inumik havaniaktuk niguaktiligiyini inminut. Ikyuktikhait pitaakata ovalo kilamik avataani Aktupa 31mi, 2022, niguaktauyumayut piniaktut atiktuitjutikhainik makpigaat Atanguyat Niguaktiligiyini ovaluniit Nunait Tuhaktituiyit Havaktiit (CLO). Ovalo pilutik tuhagutikhainik niguaktaunahuaktut kinauyut, niguagutikhat makpigaat titigaktukhat kinamik tugaakhimayuk niguaktiligiyit ikayuktikhainik. Niguaktaunahuaktut ilauniaktuk, niguagutikhainut makpigaat, kinagiktumik ovaluniit kalaktumik piksat mikiyumik. Piksat tunilaaktutlu kagitauyakut ovaluniit kagitauyakut titigaakut. Hamna piksat piksaliukhimayukhat iluanik 12mik tatkikhiutini atiktuitautitlugit ubluani. Takupkaiyukhat niguaktauyumayuk talvatuak, hivunik, niakua takuyaulutik. Atiktuitjutikhat makpigaat pikaktukhat atiktuitjutainik niguaktauyumayuk, Ikyuktia ovalo 10mik nigualaaktunit.

Akiliklutik \$200.00mik ilaayukhat atiktuitjutait makpigaamut. Akiliktakhait hanahimayukhat Titigakviit Kinauyait, Iitagiyauhimayut Chekhait ovaluniit Niuvikviit ovaluniit Kuapakut kinauyait akiliniaktut NTIkunut. Akiliktaait utiktiniaktut niguaktauhimayumut ovalo niguaktaunahuaktut pihimayut 10%mik niguaktukhanit. Atiktuiyit makpigaat tunihimayukhat Atanguyat Niguaktiligiyit ovaluniit Nunait Tuhaktituiyit Havaktiit.

### **Hulivaktut Ikyuktiit?**

Talvatuak Ikyuktiit ovaluniit Inuit tugaakhimayait Ikyuktiit, pilaaktut ikayugutikhainik kinauyait kitkanit niguaktaunahuaktut. Ovalo, talvatuak niguaktaunahuaktut Ikyuktiit atiktuilaaktut katrakhainik piniaktut niguaktaunahuaktunik kitkanit niguaktaunahuaktut. Hamna ukaktut, Niguaktaunahuaktut Inunit pilaitut kinauyakhanik ikayugutikhait mikhaanut niguaktaunahuaktut ovaluniit ikayuklugit niguaktaunahuaktut (niuviklutik makpigaat taiguaktakhainik takuyakhainik, ilaa). Ikyuktiit pihimayukhat naunaityautainik akilikataktait ikayugutikhait ovalo akiliktakhait ovalo tunilutik kinauyat atugutikhait tamamik ikayugutait ovalo akilihimayait ovalo tunilutik tuhaktakhait Atanguyamut Niguaktiligiyit niguaktaakata.

### **Kitkut Ikyuktiulaaktut?**

Niguaktaunahuaktut tugaalaaktut inminik Ikyuktukhainik. Kihimi, niguaktaunahuaktut, Atanguyat Niguaktiligiyit, ikayuktiit Atanguyat Niguaktiligiyit, aviktukhimayut Niguaktiligiyit havaktiit, Tuklia Niguaktiligiyit, Niguaktiligiyit Titigaktiit ovaluniit Inuit Katimayit ovaluniit havaktiit NTIkut nutkalakhimaitut, Ikyuktaiulaitut niguaktaunahuaktumut.

### **Kanuktauuk Ikyuktiga taimaakat?**

Ikyuktiit nalvaagumik havalaitait havaktakhait ovaluniit inilaitait havaktakhait, tuniyakhait taimaagutainik titigaklugit Atanguyat Niguaktiligiyit. Niguaktaunahuaktut tugaaktukhat nutaamik Ikyuktikhainik ovalo tuniyukhat atikhimayumik angigutait makpigaat nutaamit Ikyuktinik kinauyakhanik pilaaktinagit.

### **Kakugu Niguaktaunahualaaktunga?**

Niguaktaunahuaktut tuniyakhait atiktuitjutait makpigaat Atanguyat Niguaktiligiyinut ovaluniit Nunait Tuhaktituiyit Havaktiit kitkanit 9:00mongakat ublaami, Hanangaut, Aktupa 31mi, 2022 ovalo 5:00mongakat Tallimmiut, Nuvipa 4mi, 2022. Kinguvakpalaanginahualutik, niguaktaunahuaktut pitkuhimayut tunilugit atiktuiyit makpigaat kilamik umiktinagu. Niguaktaunahuaktut munagiyikaktut atiktuitjutait makpigaat tuyukhimayut Atanguyanut Niguaktiligiyit ovaluniit Nunait Tuhaktituiyit Havaktiit pilugit. Atiktuitjutait makpigaat pihimaitpata Atanguyat Niguaktiligiyinut umikpata, tahapkoa niguaktaunahualaitut.

## **Unguvalaaktunga Niguaktaunahuaktunut?**

Inuit atiktauhimayut niguaktaunahuaktunut unguvalaaktait atitit atiktuitjutait 5:00mongakat, Nuvipa 7mi, 2022. Niguaktaunahuaktut tuniyukhat inminik Atanguyat Niguaktiligiyit ovaluniit Nunait Tuhaktituyit Havaktiit pihimayut atiktuitjutait makpigaat, Tuhaktitakhait niguaktaunahuaktut unguvagutait makpigaat atikhimalutik niguaktaunahuaktumit ovalo kungiaktut malguk Inuit niguvalaaktut. Niguaktaunahuaktut unguvakhimayit atitit utiktilaitut akiliktainik.

## **NIGUAKTAUNAHUAKTUT UBLUIT/UMIKPATA ATIKTUITJUTAIT**

### **Niguaktaunahuaktut Munagiyit**

Niguaktaunahuaktutitlugit, niguaktaunahuaktut havaktukhat inminik ikpiagiyait inminiigutait alat niguaktaunahuaktut ovalo titigakhimayait ihumagiyaiik ikhihimaitumik. Niguaktaunahuaktut piyukhat kitkut havaktut inminik pitilaitut.

Taimaimat, niguaktaunahuaktut pilaitut:

- a) Nutkaktitlugit, ahigulugit ovaluniit ayokhaktitlugit niguaktaunahuaktut alat;
- b) Nutkaktitlugit tunikhaitjutainik, takuyakhait ovaluniit tunikhaitjutait niguaktaunahuaktut atuktainik alat niguaktaunahuaktut;
- c) Titigauyangilugit ovaluniit ahiguklugit taiguaktakhait, takuyakhait ovaluniit niguaktaunahuaktut atuktait alat niguaktaunahuaktut;
- d) Nutkaktitlugit niguaktaunahuaktut katimapkailutik, naalagiaktuktaulutik ovaluniit pihukataulutik;
- e) Nutkaktitlugit Inuit ilaukatauyumayut niguaktaunahuaktut naalagiaktugutainik ovaluniit katimatjutait alat Niguaktaunahuaktut;
- f) Ayokhaktitlugit ovaluniit nutkaktitlugit pivalialigiyit havaktainik;
- g) Ayokhaktitlugit ihuutimik ovaluniit kuvianaitumik havaktainik niguaktiligiyit havaktiit ovaluniit nutkaktitlugit atugutikhait niguagutikhainik ovaluniit nauaiyaligumik niguakhimayut;
- h) Atuklutik ukautainik akigaktuiyit, ihuinaaktut ovaluniit kuviahungitut aalnik; ovaluniit
- i) Ikhitaalugit ovaluniit ningakungilugit ovaluniit kuviagingitainik aalatkiinik mikhaanut alat Inuit ovaluniit ilaukatauyut.

### **Kafinik kinauyanik atulaaktunga niguaktaunahuaktunut?**

Inuit akiliktilaaktut tamaat \$40,000.00mik, ilauyut niguaktautinagit akiit ovalo niguaktaunahuaktut akiligutainik kitkanit Aagasi 8mi, 2022 ovalo Tisaipa 12mi, 2022.

### **Kakugu pilaaktunga kinauyait ikayugutikhainik niguaktaunahuagutinik?**

Niguaktaunahuaktut pilaaktut ikayugutikhainik kinauyait Inuit inminik, kuapurisitkut ovaluniit katutjikatingit tunitaagumik atiktuitjutait makpigaamik anmakata atiktuitjutait ovalo piligitait niguaktaunahuaktut ubluinik Aktupa 31mi, 2022 Taimaimat, kinauyait atukhimayut hamna ublua tikitinagu, niguaktaunahuaktut akiliktakhait inminik. Niguaktaunahuaktut angilaaktut ikayugutikhainik kinauyanik ovalo atuklugit kinauyait 11:59mongakat unuami, Havailaq Tisaipa 11mi, 2022 ovalo nutkaktukhat niguaktaunahuagutinik 12:00mongakat, Hanangaut, Tisaipa 12mi, 2022.

### **Hunauyut Kinauyait Ikayugutikhait Niguaktaunahuaktumut?**

NTIktut Niguaktaunahuaktut Maliktakhait ikayugutikhainik kinauyait, ikayugutait ovalo niuvikhimayait tunihimayut Niguaktaunahuaktumut niguaktaunahuaktitlugit, ikayuktiit atuniaktut niuvikviit akiinik hapkoa niuvilaaktait ovalo ikayugutikhait titigagumik ikayugutikhait kinauyait. NTIktut Niguaktiligiyit Maliktakhait pitkuhimayut ikayugutikhait, inminik ihimayut niguaktaunahuaktumit ovaluniit aalamit Inunit, piyukhat Ikayuktiinut. Ikayuktiit havakhimayait ovaluniit niuviktakhait hanahimayait ikayuktinit, ilaulaitut ikayugutikhainik. Kihimi ikayugutikhait akiliktiniaktut ovaluniit tunihimayut aalanit Inunit inminik havaktut, ihumagiyaayut ikayugutikhait.

### **Kitkunit pilaaktunga kinauyakhat ikayugutikhainik?**

NTIkt Niguaktiligiyit Maliktakhait pikaktut niguaktaunahuaktut pilaaktut kinauyakhat ikayugutikhainik nunakatigiit Nunavumi, kuapurisitkut havaktut Nunavumi ovaluniit ilaukatauyut havaktut Nunavumi. Ikayugutikhait tuniyukhat Ikayuktiinut niguaktaunahuaktut. Tamamik kinauyait katitikhimayut Ikayuktiinut, iliyukhat kinauyaligiyyinut ovaluniit angiktauhimayut aalat kinauyakakviit, ilangit Niuvikviit ovaluniit Kuapakut niuvikviit nunainik kinauyaligiyyikangitunut. Ikayuktiit ukautiyakhait Atanguyat Niguaktiligiyit, titigaklugit, atit Kinauyaligiyyit ovaluniit kinauyat munagiyyit tutkukhimayut.

### **Kafinik kinauyanik pilaaktunga ikayuktunit?**

Niguaktaunahuaktut pilaaktut hanianut \$2,000.00mik tamamik Inuit inminik nunakatigiit Nunavumi ovalo tamamik kuapurisitkut havaktut Nunavumi ovalo ilaukatauyut havaktut Nunavumi. Niguaktaunahuaktut Ikayuktiit pilaaktut tamamik kinauyakhainik niguaktaunahuaktitlugit. Akiit ikayugutikhait kinauyainik avataanut \$2,000.00mik nani autlaagutikhait niguaktaunahuaktut tunihimayut ikayugutikhainik niuvikhimayut ovalo ikayugutikhainik.

### **Huliniakatut ilaukatauyut tunigumik kinauyakhanik?**

Niguaktaunahuaktut pilaaktut kinauyat ikayugutikhainik ilaukatauyunit havaktut Nunavumi kihimi ilaukatauyut tuniyukhat katitigutainik Inuit inminik pihimayut ovalo naunaiyautait ikayugutikhait. Pikangituk kuapurisitkut tunilutik katitigutainik pihimayut.

### **Kinauyakhalaaktunga aalanit Inuit ovaluniit atulaaktatka ovamnik kinauyatka niguaktaunahuagutimnik apigingilugit aalat ikayugutikhainik?**

Tamaat \$40,000.00mik niguaktaunahuaktut akiliktilaaktait inminik, hanianut \$30,000.00mik inminik niguaktaunahuaktut kinauyainik. Niguaktaunahuaktut ikayugutikhait inminik tuniyukhat Ikayuktiinut.

### **Ikayuktiit pihimayakhait kinauyat ikayugutikhait?**

Atit ovalo titigakviit Inuit ikayukhimayut kinauyanik niguaktaunahuaktitlugit ovalo naunaiyautait ikayugutikhait, titigakhimayukhat Ikayuktinit. Ikayugutikhait kinauyait hanianik \$100.00mik ovaluniit mikitkiyait pikpata, titigangitkalualugit atit ovalo titigakviit ikayuktut. Kihimi, naunaiyautait titigakhimayukhat. Tuhaktauyumangitut ikayuktut avataanik \$100.00mik utiktiyukhat ikayuktumut Ikayuktiit nalungitkumik ikayuktut ovaluniit tunilugit Atanguyat Niguaktiligiyit iliyaangani Nunavumi Tutkuktuiyut.

### **Kakugu nutkalaakunga Niguaktaunahuaktunut?**

Niguaktaunahuaktut ovaluniit ikayuktiit tuhaktitaulait ukautainik, katimapkailutik ovaluniit tuhaktitilutik niguakvimi ubluani (piliklutik 12:00mongakat), Tisaipa 12mi, 2022. Niguaktaunahuaktitlugit, niganahuagutait taiguaktakhait takuyaulait niguakvimi. Ovalo, Inuit atulaitut takuyakhainik, atuktainik ovaluniit aatjikutainik niguakvimi.

## **NIGUAKTAAGUMIK UBLUA**

### **Ihuinaaguitinikhamik iniktigutait Niguaktiligiyyit**

Niguaktaunahuaktut ihumagumik ihuinaakhimayut iniktigutait niguaktiligiyyit, tuniyukhat ukagumayainik Atanguyat Niguaktiligiyyinut. Niguaktaunahuat piyukhat ovalo malilugit angigutainik Atangat Niguaktiligiyyit ovalo nani atulaakat, Niguaktiligiyyit Kamisitkut.

### **Tuhaktiniaktunga kinauyat ikayugutikhainik Inuit tunihimayainik niguaktaunahuaktitunga?**

Niguaktaagumik, Ikayuktiit tuhaktiyukhat kinauyat ikayugutikhainik Inuit tunihimayait niguaktaunahuaktitlugit. Hapkoa ikayugutikhait titigakhimayukhat Ukautainik Niguaktaunahuaktut Ikayugutikhait makpigaamut tunihimayut Ikayuktiit Atanguyat Niguaktiligiyyinut. Hamna makpigaat takuyaaulaaktut Inunit tamamik niguaktaagumik. Ikayuktiit titigakhimayukhat ovalo tuhaktitluk tamamik kinauyat ikayugutikhait pihimayut niguaktaunahuaktitlugit. Atiit ovalo titigakviit Inuit tunihimayait avataanik \$100.00mik katitihimayukhat inminik niguaktaunahuaktut utiktigutainut. Ikayuktiit tuhaktiyukhat tamamik niguaktaunahuaktut ikayugutikhainik Atanguyat Niguaktiligiyyit iluanik 60nik ublunuk niguaktiligiyyit ubluanit. Ilaukatauyut apigilaaktut aajikutainik hapkoa makpigaat iluanik siksiniik tatkihuitunit tunitaagumik Atanguyat Niguaktiligiyyinut.

### **Kakugu akiliktakhatka niguaktiligiyyit akiit?**

Tamamik niguaktiligiyyit akiliktakhait akiliktuhat iluanik 60nik ublunuk. Niguaktiligiyyit akiliktakhait, akiit pihimayut ovaluniit kinauyait akilihimayut niguaktaunahuaktitlugit tuhaktigiagani niguaktaunahuaktunik. Nutaat apigilaaktut pitkuhimayut Atanguyat Niguaktiligiyyit akililaagiagani hapkoa akiliktakhait avataanut Niguaktiligiyyit Ubluanit.

### **Tuhaktiyukhauyunga akiliktigutikhainik pihimayut niguaktaunahuaktitunga?**

Ikayuktiit tuhaktiyakhait niguaktaunahuat akiliktakhainik niguaktaunahuaktitlugit. Hapkoa akiliktakhait tuhaktiyukhat Ukautait Niguaktiligiyyit Akiliktakhait makpigaat tunihimayut Ikayuktimut Atanguyat Niguaktiligiyyinut. Hapkoa makpigaat Inuit takulaaktait niguaktaagumik, Ikayuktiit tuhaktiyakhait tamamik niguaktaunahuaktut akiliktakhait Atanguyat Niguaktiligiyyit iluanik 60nik ublunuk malilugit niguakviit ubluanik. Ilaukatauyut apigilaaktut aajikutainik hapkoa makpigaat iluanik siksiniik tatkihuitunit tunitaagumik Atanguyat Niguaktiligiyyit.

### **Kitut akiliktakhait akililaaktatka kinauyat ikayugutikhainit pihimayut?**

Akiliktakhait niguaktaunahuaktut mikhaanut niguaktaunahuagutait. Hapkoa ilaulaaktut akiliktakhait autlaagutainik nunainut aalanut, akiliklugit takuyakhait, naunaiyautait ovalo taiguaktakhait ovalo aalat akiit niguaktaunahuaktumut. Niguaktaunahuaktut akiliktakhait inminik autlaagutait ovalo inuuhitjutikhait inminik ovalo apigilaaktait Ikayuktiit utiktitlugit hapkoa akilikkhimayait inminik Niguaktaunahuaktut kinauyakhainit. Ikayuktiit piniaktut ukautainik akiit ovalo ikayugutait naunaiyautainik tunitinagit kinauyakhainik Niguaktaunahuaktumut. Naamaktut autlaagutikhait ovalo inuuhitjutikhait akilimayut mikhaanuuktukhat niguaktaunahuagutait ovalo ilaungitut akiit ikluinik niguaktaunahuaktitlugit.

### **Kanuktauk kinauyakaguma niguaktaaktunit?**

Niguaktaunahuaktut katitihimagumik kinauyakhainik avataanut akiliktakhait niguaktaunahuaktitlugit, tuniyakhait atungitainik ikayuktiinut havakviit ovaluniit Nunavumi Tutkuktuiyyit iluanik 60nik ublunuk. Tuhaktiyukhat Atanguyat Niguaktiligiyyit iluanik 30nik ublunuk tunigumik Ikayuktiinut ovaluniit Nunavumi Tutkuktuiyyit iniktiaagumik Ukautait Niguaktaunahuaktut Kaanganigutaiik kinauyait.

**Huliniakatut atukhimagama kinauyanik avataanut tuniyauhimayunit kinauyait?**

Niguaktaunahuaktut pikagumik avataanut akiliktakaktut, Ikayuktiit pilaaktut ilanginik kinauyat ikayugutikhainik kitkanit niguaktaunahuat ilaunik 60nik ublunik. Hamna pikpat, Ikayuktiit tuniyukhat Ukautait Niguaktaunahuakt Ilanganik Kinauyat Ikayugutikhait makpigaamik Atanguyat Niguaktiligiyit kilamik avataanut 60nik ublunik.

**Huliniaktut tuningitkuma niguaktiligiyit kinauyait ikayugutikhainik ovalo akiliktakhainik tuhaktakhait pitkuhimayut NTikut Niguaktiligiyit Maliktakhait?**

Ikayuktiit niguaktaunahuaktut tuningitkumik niguaktaunahuat kinauyait ikayugutikhainik ovalo akiliktakhait utiktigutikhait tuhaktakhait iluanik 60nik ublunik Niguaktiligiyti Ubluanit, Atanguyat Niguaktiligiyit tunilaaktut unghikhigutikhainik akiliktakhait ovaluniit apigilugit Niguaktiligiyit Kamisitkut ihivgiuklugit. Niguaktiligiyti Kamisitkut tunilaaktut unghikhigutikhainik ovaluniit pitkulugit NTikut Katimayit niguagutait Niguaktaunahuaktut pitkungilugit.

## NAITUMIK UKAUTAIT

### Naitumik ubluit

Havaktakhait	Ublua
Niguaktinagit ubluit (pingahut tatkikhiutit ubluanut hivuliit niguaktaunahualaaktut)	Aagasi 8mi, 2022
Atiktuitjutikhait anmagutait/niguaktaunahuat piliniaktut	Aktupa 31mi, 2022
Niguaktaunahuaktut pilaaliniaktut kinauyat ikayugutikhainik	Aktupa 31mi, 2022
Atiktuiyit Umigutait	Nuvipa 4mi, 2022, 5 unnukkut nunaliit ubluqhiutagut
Kinguliit ubluit unguvalaaktut atiktuitjutainik	Nuvipa 7mi, 2022, 5 unnukkut nunaliit ubluqhiutagut
Hivuliit Niguaktut Ublua	Tisaipa 5mi, 2022, 10 ublaakut – 7 unnukhaq nunaliit ubluqhiutagut
Niguaktaunahuaktut ovaluniit kitkut Inuit nutkaktukhat tuhagutikhainik ukautikhait, katimatjutait ovalo tuhaktaulutik ublua tikitinagu Niguaktiligiyit Ublua.	Tisaipa 11mi, 2022, 11:59 ubkukkut nunaliit ubluqhiutagut
Niguaktaunahuat nutkaktukhat kinauyat ikayugutikhainik ovalo akiliktiguilutik	Tisaipa 11mi, 2022, 11:59 ubkukkut nunaliit ubluqhiutagut
Niguaktut Ublua	Tisaipa 12mi, 2022, 10 ublaakut – 7 unnukhaq nunaliit ubluqhiutagut
Tuhaktakhat Ikayuktinit piniaktut	Fibyuari 10mi, 2023



## Naitumik makpigaat

No.	Atiit Makpigaat	Hulitjutait
1	Tugaagutikhait Ikayukti	Naunaiyagiaganik Inumik Ikayuktiuniaktuk Niguaktakhaunahuaktumut.
2	Atanguyautait ovalo Angigutait Makpigaat	Pipkaiyaanganik niguaktaunahuaktut Ikayuktiit ilaulutik Niguakvimi Hivulimik niguaktut, Niguakvikmi Ubluani ovalo niguakhimayut naunaiyautait naluhuiyalikata.
3	Niguaktaunahuaktut atiit unguvagutait0	Naluhuigiaganik unguvagutait niguaktaunahuaktut niguaktiligiyinit
4	Katitigutait Tuhaktitjutikhait Makpigaat	Naluhuigiaganik akilihimayait atugutikhainut makpigaat ikayuktiinit, akiligutait ovalo kaananiitut kinauyait atungitut
5	Atiktuitjutikhait Makpigaat	Titigaklutit Niguaktauyumayutit NITikuni Niguaktitiyuni